

1977

L

1027



EA 98

Pe. 5

oo 21

Ther. P. VII. ~~394~~ 608



77 1027

Mh
syh 4

Fragment of text from the reverse side of the page, including words like 'm', 'v', 'p', 'q', 'r', 's', 't', 'u', 'v', 'w', 'x', 'y', 'z'.



~~12~~ 12

Auff das Schmaebuchlein / welches
Martin Luther widder den Meuch
ler zu Dreszden / in kurtzuor /
schiner zeit / hat lassen
aufzgehen.

Franciscus Arnoldi Pfarher
zu Cöllen.

M. D. xxxi.

*Quæcunq; gtra L. in hoc scripto minime
hic lector in autoritate dicta dixerit
Lugnung vtri in in authoram dicit in is in A Sim
redm dat*



W Hab vor ettlichen wochen / widder
Luthers warnung / eyne Christliche ge
genwarnunge / aus liebe vnd wolmey
nung / im Druck lassen außgehen / we
lichs Büchleins innhalt / der Papisten
miszbreuche / eben als wol als der Lutherische / rbe
met. Vdoch / so hat der meineydige Luther / ein auff
rührische vnd vnglawwürdige Antwort dorauß ge
than. Vnd wiewol / dasselbige sein schmaebüchlein
gar keiner antwort / seiner person halbē / würdig ist /
darumb er auch / bey seinen selbs gesellen / eyn gros
sen abfall gewonnen hat / vnd sich selbs ynen auch /
durch seine zwey büchlein / als nemlich / durch die
warnung vnd vorantwortung / klar vñ feyn zuerten
nen geben hat / das sie sagen / Luther sey gewisz mit
dem Trewffel besessen / ich meyn / mit der gantzen le
gion / welche Christus von dem besessen ausztreyb /
vnd erlaubte ynen in die schwein zufaren / welche sie
also yrr machten / tobendt vñ wüettend / das sie sich
im Meere alle selbst erseufften. Eben dieselbige les
gion der Trewffel / haben Luthern seinen Münchs
schedel / also hirnwüetend / ja wirbelsüchtig gema
cht / das er weder tag noch nacht / keyn rhu geha
ben kan / bisz das er das Christenvolgk / auff allen
seyten vnd örtern vorwirre / vnd yrr mache / vñ endt
lich / seins gefallens / in abgrund der hellen vorsen
cke. Dann (Paulus spricht) an den früchten erkent
man den geist zc. Szo ist ye das der geist der lügen /
welcher von ym selbs / eytel erticht ding vnd vnwar
heit redet / vnd die rechte warheit / von andern / mit
nichte leyden kan / wie dann der Herr Christus im
Euangelio zeuget.

Wiewol

Wiewol / O Luther / dein obgesagt lasterbüchlein / Keiner antwort würdigk / wie gesagt / Szo wil mirs doch gepüren / dieweil ich mein vnpartheysch Leyenbüchlein (welchen du einen Meuchler nēnest) in druck hab lassen außgehen / vnd du mich auch in deinem schmaebüchlein / zwyr mit nhamen nēnest. Derwegen hett dirs vielbesser angestanden / du hettest all dein schmehen vnd lestern allein in mich gerichtet / domit des Meuchlers / vñ sonderlich des gantzē hauffens der papisten / were vorschonet worden. Wann / so durch schmehen vnd lestern / fluchen vnd schelten / beyde / die lutherischen vnd papisten / konden reformirt werden / Szo dörfften / Römisch Keiserlich Maiestat / Christliche Könige / Fürsten vñ Herrn / zu solchem gar keines gelarten / Sonder hetten sonst leuthe / ja alte hurn / trunckene bawern / vnd lose buben / durch welche solchs / gar liederlich kōnde / on all dein zuthuen vñ hülffe / geschehen.

Domit du aber nicht möchtest gloriren / ja rhümende sprechen / du hettest alle Scribenten der Fürsten vñ Herrn / mit deinem lasterbüchlein erschreckt Ja gantz sturft gemacht / notzwangestu mich / dir schriftlichen zuantworten / vnd wil dir (wils Gott) gantz getrewlich / Talionem pro talione geben / vnd gedencke / vormittels Göttlicher hülffe vñ gnaden / meinen vnpartheyschē Leyen / vñ den gantzen hauffen der papisten / mit Göttlichen schriefften / vor dir zuuorthedingen / ich wil dir schreibens genugk geben. Auch szo soll es anworten (yedoch so gar bloß nicht one Göttlichen schriefften) gar keinen mangel haben. Bitt dich derhalben Christlicher leser / du wollest dich hieraus nicht ergern / szo ich Luthern
Da ij zuspreche

zuspreche / Den einem meineydigen Abtrünling soll
man dermassen antworten / das alle werlt seinen na
men möge erkennen / vnd yn gewislich darfür kön
nen haltē. Den es ist ein alt sprichwort / Auff eynen
wolffenen praten / gehört ein hündische falsē. Vnd
hartt widder hartt / sprach der Tewffel / arsbossete
er ein alt weip ꝛc.

Merkein Luther / dein lasterbüchlein / welches du
gar newlich / sonder alle forcht Gottes / vnd schame
der werlt / widder den Meuchler zu Dreszden / on ey
nicherley bewerung Göttlicher schriefften / hast las
sen außgehen / ist mir (ydoch fast langsam) zuhan
den komen / welches ich dir / apgottwill / gesinnet zu
vorlegen / wie gemeldet / yedoch nicht alle wort (vff
das nicht eyn gantze Tragedia draus möcht wer
den) Sonder allein etzliche Artickel / auch etzliche
schmae vnd lasterwort / alsviel mir dißmals vff ein
eyel möglich / wil vorantworten. Vnd wil dich als
dann / mein Luther / dem wüttenigem Tewffel vnd
seiner hurn mutter / mit einem bluttigen kopff / in ab
grund der hellen (du wildt es also haben) schicken.
domit fried vnd eynikeit in der Christenheit / wider
umb / durch Gottes gnade vnd hülffe / möchte auff
gerichtet werden / Amen.

Einzelne Probe

Erstlich / Sag ich noch vnuorholen / das du
vnrwiger / trewloser vnd meineydiger kuttēpube /
deine warnunge / vmb keiner andern vrsach willen
inn Drugē gefertigt / vnd vnter den gemeinen man
ausgespēnt hast / dann das du auffrur vnd vnge
horsam / der Obirkeit / hiedurch erwecken möchtest
Dann / was hastu sonst vor vrsach darzu gehabt /
sintemal

Intemal dich gar niemants / weder durch schriefft
noch andere wege / darzu gereytzt / viel minner vor
ursacht hat. Damit aber dein rachgiriges hertz / vñ
wüetende gemüete / sampt bösem willen / den luther
ischen vñ papistischen / gantzlich möcht eröffnet vñ
aller werlt kondt werdē / so hastu schendtlich eraus
lassen gehen / was drinnen gewest / vnd nicht eynes
eynigen alten Christen vorschonet.

Wann aber du eynen Richter leiden kondest / so
solt der Meuchler kecklich erfür treten / solchs dein
ausgegangen schmaebüchlein / mher dann zweyfal
tiglich / mit Recht / auffrührisch machen. Dieweil du
aber aus deiner Mönchkuttischer bößheit / Auch
apostatischen hoffart / gar keinen Richter leidē wilt
So wil ichs den Christlichen lesern / zu örtern vñ vr
teilen / ditzmals hinheym gestalt haben. Jha ap in
deinem schmaebüchlein / ader auch warnungbüch
lein / ader in meines Meuchlers gegenwarung mher
vnwarheit / anleitung zu auffrur vnd widdersetzüg
befunden wirdt.

Vnd / ap du dir / in deinem schreiben allwegen
die freyheit fürbehalten wilt haben / das du es vffs
beste / auff andre meinungen mögest dewten vñ auß
legen / dann deine wort vnd schriefften in sich selbst
schliessen. So ist doch fürwar nur eytel falsch vnd
betrieglichkeit mit dir / vñ es soll dir hinfür nicht mher
gestattet werden. Denn man kan ye kein schreiben /
mit rechter warheit anderst dewten / dann die wort
in sich schliessen / vñ der innhalt derselbigen / mit ym
selbs bringet. Denn es ist ein alt sprichwort / Zween
können mit einander singen / aber nicht zugleich mit
Ala iij einander

einander reden. Welchs dann Sanct Paul bezeugt
Sprechende / Zwene sollen reden / aber die sitzenden
zuhörer sollen örtern vnd vrteilen. Diesem folge Kön
nen die Lutherischen / wann sie anderst in yre eigene
gewissen greiffen / vnd in yre hertzen gehen wollen /
eben als wenig als die vnsern / deine obgemelte war
nung / anderst dann vor auffrührisch vrteilen.

Das aber du lasterman / vormeinst / solch dein
büchlein / von dem nhamen eins schmaebuchs hier
mit zuerretten / ya dorumb / das es vnter deinem titz
tel vnd nhamen ist außgangen vnd bezeichent / vnd
vorhoffest hiermit freyheit zuhaben / yederman (ya
den hauffen der alten Christen / gar niemants außz
geschlossen) yedoch sonderlich die grossen Herren
vnd Fürsten / welche vns von Gott zu Regenten ge
geben / vñ in die weltlich Maiestet / Ehre vñ gewalt
gar rechtlich gesatzt sein / zuschmehen schenden vñ
lestern. Durch welches sie gegen yren lieben vnd ge
trewen möchten vorunglimpfft / vnd etzlicher weyse
vorechtlich gehalten. So du doch vber die obgemel
ten Regenten vnd Gewalttrager / gar keyn gewalt
hast / viel minner Richter bist. Ob du eines solchen
guths füglich vnd recht hast / vñ hierumb vnstraff
würdig kanst geacht werden / stelle ich abermals in
höchster demut vnd aller vnderthenikeit / allen vor
stendigen Gottliebenden menschen heym zubehertz
en / ap solchs nicht einem bösen teuflischen willen /
widderetzlichen vnd auffrührischen gemüte / gantz
gemäs sey vnd änlich sehe.

Nachdem du Luther ferner sprichst / was dir
ein papist gethan / sollen sie dir alle gethan haben &c.

Dieraus

ausg. 17
Brüste und die
67te esel und was

Dieraus folgt das du allein / der gröste / gröbste esel
vnd narr bist / vnd des waren vorstandts Göttlicher
Schriefft gantz blos . Sintemal der Biblisch Text
Erllich außdrückt / das Gott vmb / zehen frommer
menschen will . . . / der fünff Königreich hat wollen
vorschonen. Also soltestu vorfluchter Apostata au
ch gethan haben / dann sintemal du ein Euangelist
vnd prediger sein wilt / soltestu billich dich selbst vn
terweyß / vnd des hochlöblichen Christlichen vnd
Gottforchtigen Keiser Karls / der Könige / Fürsten
vnd Herrn / des gantzen hauffens der alten Chri
sten / vō wegen yrer vnschuld / in deinem schmehen
schenden vnd lestern / vorschonet haben / vnd vmb
meinet vnd meines Meuchlers / yha meines vnpar
theyschen guthen freundes willen / ein solchen gros
sen hauffen / felschlich / lügenhaftig vnd vorretter
isch / an yren Ehren vñ gelimpffkeiten nicht vorletzt
haben / Sonder soltest billich deyn gantzen vnlust
vnd hirnwindtheit allein in mich / ader den Meuch
ler gericht haben.

Dieraus abermals menniglich abnemen kan /
die liebe vnd trew / auch vorretterey vnd falscheit /
deines blutdürstigen hertzens / rachgirigen gemüts
vñ tewfflischen willens / so du Luther gegen deinem
nehesten tobende / als ein thörichter hundert mit off
nem mawol an vnterlaß wegest . Aber dein Legion /
mit welcher du besessen / gibt dir solchs eyn / ya das
gutte mit dem bößen gantz vnd gar auszutilgen /
wiewol dir dasselbige (Gott lob) gantz vnd gar vn
möglich ist. Aber das schmaewort / Papisten / soll
dir nachmals auch vorantwort werden.

Das du dich aber nicht schemest zurneynen
das

das du geschribē / die vnderthanen sollē dem Kaiser
widder die Lutherischē nicht gehorsam sein / ist kein
wunder. Ursach / sintemal du weder scham noch ab
schaw gehabt solchs zuschreiben / wie soltestu denn
yrgent ein scham haben solchs widder zuleugten.
Dierauff beruff ich mich abermals auff die worth
deines eygen buchs / darinn du klar zu mhermal ge
sagt / vnd darneben das außgegangen Kaiserlich
Edict / vor vnchristlich vnd mördisch außgeruffen
hast / Auch alle die ihenigen / so dem Kaiser gehor
sam sein / auff's höchste gescholten / vnd den Kaiser
so wol als sie / dermassen in die leuthe getragen hast
Gleich als wolte yr Ka. Ma. zu handthabung vñ be
schirmung / der Papisten büberey vnd mißbrenche
(welche du Artickels weys nach der lenge erzelest)
vnd zu vnterdruckung des Euangelij / widder euch
eynen kriegē anfahen / welchs doch der Kaiser nie
inn syn genommen / vielminner das Edict (als du es
nennest) derhalben außgehen hat lassen.

So gepent er auch darinnen gar nicht / die miß
brenche / offenberliche laster vnd sünde / böse ärger
nis zuhalten / vielweniger vnterstehet sich yhr Ka.
Ma. dieselbigen zuorthedigen / wie du vorlogner
Luther yr Maiestat vorretterisch vnd felschlich an
leugest. Sonder fordert allein / das man die löblich
en satzungen vnd Cerimonien (one welche die christ
liche satzungen / ordentlich nicht gehalten mögen
werden) nicht also mutwilliglich abwerffen solle.

Ferner schreibstu / das dein Büchlein meinem
Menchler für die nasen soll treten / vnd yn vberzeug
en / das du den gehorsam nicht anderst vorpotten
hast

hast / dann wann der Kaiser ader die Obirkeit / wid
der Gott vnd Recht kriegen wolte. Nu wolan / Ich
setzes / das ym also / Wer hat dich aber / du trewlo-
ser bube vnd tewfflischer Munch / gesatzt zum Rich-
ter / vnd dir macht gegeben / mit deinem wüettigem
auffgespreitzten wolffrachen / hierüber / öffentlich
zurtheilen. Ob die Obirkeit widder Gott ader nicht
kriege / auch mit waserley fuge sie yre vngheorsame
vnderthane in straff nehme. Du woltest aber gerne
dein auffrührische büberey hiernit bedecken / wiewol
sie also greifflich am tag / das sie sich mit nichte kan
vorholen lassen. Nu gebürt dir ye nicht zurichten /
das du nicht weyst / das es gewisz also sey / wie gar
vil weniger ist es dir zustendig / deiner ordentlichen
Obirkeit / als dem Kaiser / solche iniurien vnd vnge-
rechtigkeiten zuzumessen / das er widder Gott vñ Re-
cht kriegen wölle / vnd vnschuldig blut vorgiessen.

Nochdann soll solchs nicht vngheorsamlich /
ader widder pflicht sein / das du alle papisten / dar
unther ye der Kaiser (deinem angeben nach) das
hawpt sein mus / in der gmeyn / eytel vorretter / böse
wicht / Gotsdiebe / bluthund / vnuorschulter sache
erschrecklich schiltest. Vnd sintemal du den Meuch-
ler vorretterisch bezichtigst / wie er lernen wölle / das
man solchen mördern vñ Tyrannen / gehorsam sein
solle / So sprich ich abermals / das du meinen lieben
vnpartheysschen Leyen (welcher dir garvil zugutt zu
einem Meuchler ist) schelcklich / vorretterisch / vnd
felschlich anleugest.

Wann du woltest nur gerne (Gott aber vorhütt
es / durch sein gnad vnd barmhertzikeit) das in al-

B b i l e n

len Trewtschen landen / ein erschreckliche sundtfluet
des Christlichē blutes erbermlich möcht angefang
en / vñ kleglich volendt werden / hierauff hastu dein
Euangeliū angefangen / hiermit bistu biszher auff's
allervleissigst vmbgangen. Dann wir haben nicht
geschrieben / das man der Obirkeit soll gehorsam
sein / welche widder Gott gehandelt / sonder der / die
dich anderst im hertze nicht zwingt zuglenben / dan
dir Gott gepottē hat / wie dan dasselbige meines vn
parteyschen Leyen büchlein / mit klaren Worten auß
drückt / vnd öffentlich bekēnet / drum so schaffestu
bösewicht minder dann nichts / wiewol du mit dei
nen vnuorschempten lügen dich vnterstehest / dein
sach zumänteln / wie dann dein eigenschafft / natur
vnd gewonheit ist.

Das du aber wilt leugken / das yr euch rüstet /
zusamen reytet / vnd auch mit anderer Obirkeit vn
derthanen / euch widder den Kaiser vorpindet / das
ist ye vnlauckbarer / dann das dir darinnen ymants
kan glauben geben. Das du auch mit hohen auff
geblasenen Worten / den Papisten aufflegest / als
stünden sie in Rüstung widder euch / ist der warheit
vngemes / vnd abermals gantz vnd gar erlogen / vñ
es seint solche feistertichte vnd greiffliche lügen (als
S. Augustin spricht) das sie gar keiner vorantwort
tunge würdigk. Nichts desteminder fürestu dorau
eyn / Dieweil sich die Papisten widder euch rüsten /
So wöllen sie die anheber des Kriegs sein. Wolan /
Sein sie dann (ich meyn die Papisten) anheber des
Krieges / so kan man euch rechtlich (sagstu Luther)
nynmer auffrüerisch schelden so yr euch alsdann zu
der wehre stellet. Das aber die papisten anfaher sein
wollen

wollen / auch gleich algerait den kriegk entpotten ha
ben / das kōnnestu / Luther / mit gnugsamen scheyn
beweisen. Wirstu das enden / so glawb / ehe nicht /
Erzellest dornach ettliche vnware vnd gantz vnge
gründte vorgebene stück / domit du es vormeynst zu
beweyfen / welche ich zuletzt nacheinander wil vor
zelen vnd vorantworten. Aber yetzundt sollen hier
nach etzliche Artickel vñ obgesagte schmahe / laster
vnd schandtwort / auch mit Göttlichen schriefften
auff ein eyle vorlegt werden. Dann bißher / Luther /
hab ich mit dir freuntlich hierinne geschwetz / aber
nbn wollen wir auch ein wenig die Schriefft erfür
ziehen / auff das die güttigen Leser vnd zuhörere /
nicht möchten vorursacht werden zureden / wir hetz
ten vns mit einander wie zween Dolhipper geschol
den / adder als zwey alte stulweiber / on eynicherley
geschriefften / keyffende / mit lasterworten vns ge
pissen ꝛc.

Du hast auch in der Vorrede deines schmachs
büchleins geschrieben / wie das mein vnparteylicher
Leye / welcher mir aus Christlicher liebe / vnd wol
meynung / der gantzen hochlöblichen Trewtschen
Nation zuguthe / sein vielgemeltes Büchlein zuge
schrieben hat / vnd ich hierüber dasselbige druckten
hab lassen / seinen nhamen nicht genennet hat. Dier
auff sag ich / das sollichs gar nicht von nöthen ge
west. Ursach / du weyst wol das im Euangelio / die
Euangelisten (Sonderlich Matthens vnd Johan
nes) yre eygene nhamen selbselbst vorschwigen ha
ben / vnd gleich als von einem andern frembden ge
schrieben / So sie doch dieser örter / von yn selbs ge
redt haben.

Bb ij Das du

Das du aber sagest / der Pfarher zu Cöllen soll
solch sein Büchlein preysen vnd loben / wiewol ich
den Tichter selbst nicht nenne. Antwort. Ich stehe
solchs on leugken. Es ist on not gewesen / das ich des
Tichters nhamen darzu gesetzt habe / dieweil er mir
solchs sein büchlein zugeschrieben hat / vnd dassel
bige selbst nicht hat druckten lassen / mir aber hat er
seinen nhamen nicht vorborgen / welches seines na
mens / du declarirter Dammaluck vnd vordampter
zwydarm (der gelten neun einen Pickharden) nicht
würdig bist / das du yn soltest hören nennen / vielwe
niger eigentlich zuwissen / domit du in deinem arg
wan / vnd falschen vrteilungen / durch dein Legion
vnd lägenmeister / vor Gott vnd aller welt zuschan
den / mit deinem schmaebüchlein gestalt werdest.
Ich halt es aber dafür / man hab der sachen gnug
gethan / vñ gar nichts heymlich ader menchlingen
(als du vns felschlich vñ lägenhaftig / aus deiner
apostatischen hoffart / vnd tewfflischen vngedult /
schmelich zumisst) gehandelt. Wiewol du offtmals
heimlich vnd vorretterlich / in deinen vnzellichen an
schlegen / widder die papisten gepracticirt hast.

Das du aber Luther hieran nicht gesettigt / vñ
dein hirnwiettenheit an meinem vnparteyischen Ley
en / ya an dem gantzen hauffen der papisten (keinen
ausgenommen) mit erschrecklichem schmae vnd la
sterworten hast lassen außgehen / vnd nicht an mir /
Ist kein ander vrsach / dann das du hast mensz gero
chen / vnd dich besorget / ich möcht dir widderumb
mit beschissenen feusten yns mawl greiffen . Wann
schlahen ist verbotten / aber in der gegenwære / leytt
man was man kan. Wes du dich aber hast besorget
das

das soll dir getrewlich widerfaren / vnd doch nicht
on alle güteit vnd deinen vordinst. Kompstu aber
noch ein mal wider / so wil ich allererst mein secklein
auffbinden / vñ wil dir alsdenn recht auff dem sack
fideln / vnd deiner ein Kröpfflein essen / das man dar
von singen vnd sagen soll / dann die Bachanten ha
ben auch schellige Köpffe.

Vnd ob du meynst / du seyest mit dem Trewffel
gen Schul gangen. Solt du wissen / das ich auch
einer bin / welcher sein Mutter (mit züchten) offt
mals bekacket hat / dorumb hastu so eyn rechten
troffen / als hettestu gen Allago nach einem geschri
ben. Ich wil dir den Buben iucken / vnd die Kut
ten steubern / besser denn dir von Emszer / Cocleo /
ader yrgent einem biszher geschehen / das helffe mir
Gott Amen.

Auch wirt sich meines vnpartheyschen Leyen
büchlein / on mein hülff loben vñ preyszen / als auch
geschehen. Ich hab es noch von niemandts hören
vorachten / vil minder schenden vñ lestern / denn nur
von dir allein / darinnen dann nichts vnterlassen ist.
Dann es ist ein alts sprichwort / Der buben vnd bü
bin loben / auch schenden vñ lestern / gillt bey eerlich
en vnd vornünfftigen leuthen / eyns eben soviel als
das ander.

Wie aber dein schmaebüchlein / sich selbs lobet
vnd preysset / gib ich in höchster demut vñ vnderthe
nigkeit / dem Kaiser / Königen / Fürsten vñ Herrn / ya
der gantzen samlung der Christen heym zu örtern /
vnd dir Luthern künfftig zuerkunden.

Bb it Im

Sackhant

In dem ersten Artickel deines lasterbüchleins /
sprichstu also / Ich wil auff diszmal den schnuppen
haben / vnd den Bachanten nicht riechen / aber /
auff den sack schlahē / triff ich darmit den Esel / das
er das fiele / so wil ich yn doch nicht getroffen ha-
ben / sonder allein den sack geschlagen.

Antwort.

Es ist dir gar höchlich vō nöthen / das du dich gar
eben vnd wol vor diesem Bachanten / den du mey-
nest / fürsehest / auff das er dich mit seinen püffelhör-
nern nicht tödtlich möcht vorwunden. Wann sin
temal du yn felschlich einen Meuchler schiltest / so
möchte er dir auch / wann du des am wenigsten sorg
hettest / gar rechtlich / meuchling eyns vbern Affen
machē. Ich wil dich auch getrewlich gewarnet ha-
ben / du wollest deines sackeschlahens / maß vnd zyel
setzen / dann der Esel ist gebrechlich / er möcht blitz-
ling vnden ausgehen / vñ sein husten (mit züchten)
möcht dir mawol vnd nasen füllen / das were deinem
Doctorat viel zu nahe.

*habe die aller vñ
vorfändigste Barchant
Cornut vnd Bestia*

Was sol ich viel vmbschlege machen / Summa
summarū / ich sage vornemlich / das du selbselbst /
der allervorstendigste Bachant / vnd zeheneckich
te Cornut vnd Bestia bist / darvon geschrieben Da-
nielis am. vii. Vnd die bestia die ich sahe / hatte sie-
ben Köpff vnd zehen hörner. Apoca. am. xvii. Diesel-
bigen hörner / sein dir in der hohen Schul biszher
noch nicht abgenohmen / derhalben du auff all eck-
en also stossigt bist. Aber der almechtige wirt sie sel-
ber

ber zu seiner zeit / nach seinem Göttlichen willen dir
wol zurbrechen. Psal. lxxiiij. Die hörner der sünde /
werde ich zurbrechen / vnd die hörner der gerechten
werden auffgericht ader erhöhet.

Diesem eben nach / szo bist auch selbselbst der
gröste vñ gröbste Esel in der hevt drinnen / den der
erdpodem biszher ye getragen hat. Sölchs zeugen
vber dich glaubwürdigk / alle deine geschriefften vñ
predigen / alle deine vngewaschene sytten vnd vntü-
gende / alle deine wort vnd wergk / ya dein gantz vor-
thümlich leben.

*Martin Luther
der grösste vnd grö-
bste esel*

Der Ochse vnd der Esel erkanten yren Gott vñ
Herren / ein Kleins Kindelein in der Krippē / sich dienst-
lich vnd gehorsamlich beweysende Esa. i. Die eselin
mit dem jungen erkanten Christum / yren Gott vnd
yren herren / sich gehorsamlich vñ dienstlich bewey-
sende Christo / in der einreytung am Palmtag zu Je-
rusalem / alsdann die Euangelisten bewerlich anzey-
gen. Itē / die Eselin Balaam / sahe den Engel Got-
tes in dem wege / mit einem blossen schwerdt steen /
erschragk vor ym / gab dem Engel Gottes raum vñ
stat / wiewol sie dreymal vō yrem herrn seer geschla-
gen ward Num. xxij. Item der Esel / do er bey Noe
in der Archa was / vorgas seiner eselhaut / hielt sich
klüglich vnd bescheiden / domit er nicht in der sund-
flut vortarbe zc.

Aber vnser Doctor Martin Luther / der geheim-
nige Ertzesel / vbertritt in der grobheit / die itztge-
nanten Esel alle gar weyt weyt.

*Martin Luther
erzesel*

Erstlich

Erstlich / Den Gott vnd herrn / dem er im Sacra-
ment der heyligen Tauff / vñ nachfolgend in der an-
nehmung des gehorsams seines Ordens / geschwo-
ren vnd gehuldt / yn auch gnugsam erkant hat / den
selbigen hat er vbergeben / ya gantz vnd gar vorlas-
sen / Luciper sich ergeben / vnd zu einem puluersacke
gesellet / ya zu einer außgeloffenen Nonnen / darvon
er nur schandt vnd laster / sampt der Seelen ewigen
vordamnüs ererbt hat. So er doch im Closter vn-
ter dem gehorsam vnd Gotsdienste / ehre friede vnd
gemach gehabt hette / vnd der seelen selikeit erwor-
ben. Ist dann das nicht ein grobe vnd grosse Esel-
heit / ya nartheit von einem Doctor.

Argum. in Archa noe

Der Esel bey Noe in der Arch / hielt sich nach
seinem viehlichen natürlichen vorstandt / still vñ ge-
horsam / damit er nicht aus der Archa gestossen vñ
in den wassern ertrincken möchte. Aber dieser grober
Ertzesel / tobet vnd wüttete / in dem Schifflein Petri
sprangt in das gefalsene Meere dieser vorfürischen
welt / vñ wolt nu gern das Schifflein Petri gar umb-
störtzen / alle erseuffen welche drinne sein / alhier im
blut / dortten mit leib vnd seele im ewigen hellischen
fewre. Aber mein doctor Ertzesel / ich wil dirs gepro-
phezeit haben / der almechtig Gott wirt dir kürtzlich
die schantz brechen / vñ deiner aller boszhafftigsten /
gröbsten eselsheit feyerabent geben. Vnd diese wort
wirt Gott der herr in dir erfüllen / Sepultura asini se-
peliatur (scz Luthers) putrefactus et proiectus extra
portas Jermie. xxij.

Du schreibst auch / es hab niemant vom Keiser
vnd gehorsam herlicher geschriebē dann du. Weisst
diss

das von Ka. Ma. herlich geschrieben / so weysz ich nicht was herlich heisst / dann man findt vil trunck enner Bawern / die solchs zu neunmal herlicher konden / weder du / wann sie törsten. Meins vornemens geperen solche wort eytel vngheorsam entpörüg vñ vorachtung des Kaisers. Wie du aber von dem gehorsam geschrieben vnd gepredigt hast / zengen wider dich die zurbrochenen vñ vorpranten Schlösser vnd hewser. Solchs zeuget vber dich / mit geschrey inn himmel / das vorgossene blut aller erschlagenen bawern. Auch so schreyen vber dich teglich / hewolende vnd weynende / alle arme vorlassene witwen vnd wayesen. Summa summarū / wenn man dirs lenger nachliesse / noch ein mal so herlich vom Kaiser vnd gehorsam zuschreiben / so würdē beyde / Kaiser / Könige / Fürsten vnd Herrn sampt dem Adel / bürgern vnd bawern / gewislich gebrechen / vñ gantz Teutschland würde öde vnd wüeste werden.

Was soll ich vimmer sagen ? wie ist es vimmer mher möglich ? das einer vom Kaiser etwas herlichs / lobwürdigs / guths adder zirlichs / schreiben adder sagen kan / der vnter dem gehorsam des Kaisers mit nichte sein wil. Seine Edict nicht allein vor schmehet vnd vorachtet / sonder spöttisch vnd höhnisch glosirt / darzu aus Münchuttischer schalckheit felschlich ausleget / aus welchem viel geergert vnd dem gehorsam Ka. Ma. auch dem gantzen Römischen Reich (aber Gott lob / noch nicht alle) abfellig worden sein.

Aber wie kan das gesein ? das ein apostata / der do trewlos vnd meineydig / Gotte / seinem Orden /
Ec i seiner

*apostata vñ
vom Adel
de re: m. m. m.*

seiner ordentlichen Obirkeit / worden ist / etwas /
auch das geringste wörtlein schreiben / sagen adder
rathen kan ? das zu Christlichem gehorsam vñ fri-
den dienstlich ader füglich ist ? So doch solchs wi-
der die Natur vnd eigenschafft / aller Apostaten ge-
strags ist / welchs dann glaubwürdigk zeuget Gott
der heylig geist Prover. vi. Ein abtrünniger meiny-
diger mensch / ist ein vnnützer man / gehet mit vor-
karterm mawol ader müde (Tewtsch heissets / er leugt
als was er redt) winckt mit den augen / zerstoßt ader
zureibet mit dem fuß / redt mit dem finger / arbeyt
ader bewegt böses im hertzen / vñ zu aller zeit strawet
ader seet er kriegt vñ hadder . Vñ Christus schleust
Aus vberflus des hertzens redet der munde. Wann
warumb / aus deinen Worten wirstu gerechtfertiget
vnd aus deinen Worten wirstu vordampt Math. xij.
Da Kompts her / Ein itzlicher vogel singt wie yhm
der schnabel gewachsen ist . Disz behertze wol / D
christlicher leszer.

Im vierden Artickel sprichstu / So hör ich wol
Sanct Moritz vnd die Zehenthausent Ritter (wie
man sie nennet) müsten auch auffrüerisch / widder-
setzig / vñ ewiglich vordampt sein / das sie die wehr
von sich worffen / vnd wolten dem Kaiser nicht ge-
horsam sein / widder die Christen zustreiten. Vñ ein
itzlicher vnderthan / so sein doller Narr (wolt sagen
Fürst) wolte widder Gott vnd Recht kriegen / mü-
ste auch vnghehorsam / auffrüerisch / vnd widdersetz-
ig sein / wue er nicht wolte helffen vnschuldig blut
vorgiessen &c.

Antwort.

Höre

Höre Luther du Sawbofze / du darffst mir die
Legenda der zehenthaufent Ritter / gar nicht daher
ziehen. Denn es ist nicht ein kleine vnterscheyd / vn-
ter einem Christlichen Kaiser / vnd vnter einem Ketzer-
ischen ader vnglaubhafftigem Kaiser. Auch vnter
einem rechten vnd Christlichen Kriege / vnd vnter ey-
ner auffrur / entpödrunge vnd vnrechten Kriege. Dañ
rechte Christliche Kriege vñ straffungen / geschehen
durch Gott vnd Gottes befehel / von seinen Regens-
ten vnd gewalttragern / vnd können on eynicherley
beschwerung der gewissen / von dem waren vnd ord-
entlichen Regentē / als offft es von nöthen / gefurt
vnd gebraucht werden / Szo allein die Krieger / sich
nicht vorgreifen / Sonder die rechte eygenschafft
eines Christlichen Kriegs stetiglichen halten. Aber
entpödrische widdersetzunge / widder die von Gott
eingesetzte ordentliche Obirkeit / ist allzeit vorthüm-
lich Roma. xiiij.

Es lautt auch eins garviel anderst dann das
ander. Kriegen widder fröme / bestendige / gehorsam-
me Christen / vnschuldigs blut vorgiessen (welchs
dann Christliche vñ Gottforchtige Kaiser / Könige
Fürsten vnd Herrn gar nicht gedenccken / vil minder
willens zuthun) ist sund vnd vortümlich. Aber aus
ordentlicher gewalt mit dem Schwerdt / die abtrün-
ner / volgt's vorführer / Ketzermeister / Secten auffri-
chter / Gotslesterer / vnd heyligen schender / Schme-
her vnd vorletzer Göttlicher vnd weltlicher maiestat
straffen / auszrodē / ader gar tilgen / ader auff's min-
ste widderumb durch ordentliche gewalt zu gehorsam
bringen / solchs zeugen glauwürdige / des alten
vnd Newen Testaments historien.

C ij Im

*Christliche
Kriege
vnter
einem
rechten
Kaiser*

Im. xxvij. Artikel schreibstu / Dertzog Georg zu Sachsen leydt ein solch schendtlich lügenbuch zu Dresden / das wundert dich / der doch so fromm sein wil / das er auch in frembden Fürstenthumben kein bösz buch leiden wil. Wue ein solch buch in diesem Fürstenthumb widder yn / als disz buch widder vnseren Fürsten / were außgangen ꝛc. Antwort. Von der Cristlichen frömbkeit / Fürstlicher redlichkeit vnd warheit / auch vō den sytten vñ tugenden des hoch löblichen Christlichen Fürsten vnd herrn herrn Georgen Dertzogen zu Sachsen ꝛc. weys (Gott lob) alle welt zusagen . Diergegen weys man auch / von deiner vntugend / Münchcuttischen böszheit / vorretterey / dergleichen offenberlichen sünden / lastern vnd bösen ergernissen / allenthalben zureden.

Ich sag auch noch wie vor / das ich biszher gar niemants gehört hab / der solchs büchlein gelügen strafft hette / adder auch in dem myndsten wörtlein getadelt / dann dich allein (doran gar nichts gesagen) Es sprechen viel frömer redlicher leuthe / beyde / gelarte vnd vngelarte / das in demselbigen eynigen einfaltigen büchlein / mher warheit befundē wirt dann in allen deinen lügenbüchern / vnd hettestu yr noch dreymal soviel geschriben als du gethan hast.

Das du aber sagst / das leyenbüchlein sey deinem Fürsten zunabe / ist abermals der warheit nicht gemas / denn sie mein Leye mit nhamen dorinne nicht benümet hat / auch an yr ehre vnd gelimpff / mit sonderlichen Worten nicht geredt / Dann so dem also / würden sie gewisz Dertzog Georgen zu Sachsen / schriefftlich ader mündtlich (dofür ichs acht) hier
umb

umb gelimpfflicher gesorgfeltiget / vñ dir solchs le-
stern / schmehen vñ schenden mit nichte wissentlich
gestattet haben. Meines vornehmens laß ich mich
duncken / das mein vnpartheylicher Geye / in seiner
Christlichen einfalt / kein Meisterstück gebraucht /
das er in seinem Tichten vñ schreiben das mittel bey
derseits / der Lutherischen vnd Papisten / feyn vnd
hübsch gerhemet / ya förmlich mit bescheiden wor-
ten / weder Fürsten noch Herren / noch yemandts
namhaftigs specificirt / vielminder an yren Ehren
vorsehet ader vorunglimpfft hat / welchem du luthe-
rischer Abtrünling dich gantz vngemäs in deinem
schreiben beweist hast. Vnd er hat doch die rechte
warheit nicht vnter dem hüttlein vorporgen / allein
das hat dir deinen schlaffenden hund erweckt / das
er dich von wegen deiner außgelassen büchlein / ein
wenig auff das lestermaul hat geschmissen / doruff
du nu deines sinnes dem faß den bodem außgestos-
sen hast / Sauff aber nu einem alten weip die heffen
aus dem hindern.

Im. xxix. Artickel schreibstu also / Meyn mein
Neuchler / du bist nicht der man / der do doctor Lu-
ther tewtsch reden soll lernen. Antwort. Ist das
dein subtyl tewtsch / doranff du vielfeltig gepucht /
dich desselbigen vbermessigk erhoben hast / szo hab
ich zu Cöllen auch solche Doctores (sonderlich szo
sie vol sein) die dir / lieber doctor Luther / sicher in sol-
licher tewtschen Rethoricken gar ferr vberlegen sein
ya wol / sie schlahē offtmals darzu mit feusten drein
vnd machens also / weñ du vnter yn werest / du wür-
dest nicht vor eyn doctor / sonder vor eyn sawhirten
geachtet. Vber das / hat mein gnediger Herr vnd
Cc iij Landts

Landtsfürst/ in seinen landen viel holhipper vnd lo
se vedtern/ die vmb eins trunck biers willen/ mit dir
in dieser deiner tewtschen Rethoricken disputiren /
vmb eyn groben Esel / bringstu aber ferner eyn ruer
vnd schlappen darvon/ hab dirs/ vnd klag mirs.

*In singul. vult
Lutherus*
Diesem nach/ wollen wir beyde/ ich vnd mein
Leye/ dich gar kein tewtsch lernen/ wir habens au
ch nie begert. Aber der diephencker zu Wittembergk
ader Torgaw/ wirdt dich zu seiner zeit / eyne Newe
tewtsche Rethoricken lernen/ als Thoma Müntzer/
vnd andern geschehen / vnd also das Schul preciu
an dir vordienen.

Im fünfften artickel/ schiltestu die Papisten (in
plurali) tyrannen/ mörder/ vorretter / bösewichter
vnd ertzbösewichter/ angstbösewichte/ vorzweifelte
bösewicht/ vñ sonder disz/ fürestu dasselbige schant
wort/ bösewicht/ itzt in singulari/ itzt in plurali/ dur
chs büchlein aus vnd aus/ vngenerlich vber die. xx.
mal. Ehe dann ich hierauff antwort/ wil ich zuuorn
zwey wörtlein vorlegen/ als nemlich das wörtlein /
Gotsdiep/ vnd das wörtlein Narr.

*Botship Luther
mache es Judas*
Zuor im. ix. Artickel/ höre mich doctor Luther
schiltestu meinen vnparteyischen einfeltigen Leye /
einen Gotsdiep. Dorauff gib ich dir diese antwort.
Vnd sag/ das dises wörtlein Gotsdiep/ sint der zeit
do sich Judas Scariothis hingk/ bisz her / keinem
lebendigen menschen auff erden/ so formlich/ ya so
rechtlich hat mögen zugeeygent werden/ als dir als
lein/ vnd doruff so thustu meinem lieben Leye vor
Gott vnd der welt/ nicht allein vngütlich/ Sonder
du leugest

du lengest yn abermals schelcklich an/ als ein mein
eydiger/ trewloser/ vñ ehrenblosser fleischbösewicht

Ursach. Wer hat Christo sein guth / das yme
vor ettlich hundert jarn / vō Kaisern / Königen / Für
sten / Herrn / Grauen / Rittern / Edellentē / Bürgern
vnd Bawern / aus hitziger Christlicher liebe vnd
wolmeynungē / in sein heyliges bitteres leiden / rosen
farbes blut / vnd vnschuldigen todt / williglich zu
Stifften / Clöstern / Pfarrkirchen / Altarn / Capellen
Clausen / Spitalen / Seelheusern / Zünfften / Stöck
en vnd Taffeln / gegeben ist ꝛc. widder Gott / Ehre /
Recht / vnd alle Schriefft vnd erkentnis / freuelich
geraubet / genommen vnd gestollen? Ey Junckherr
Mertein / Doctor Luther.

Wer hat den armen dorffpfarhern / welche wa
re Kirchenbischoffe / prediger vnd Sacramentreich
er / ader Seelenwarter sein / vnd eins theils (als ich
vnd meines gleichen / seer eines geringen jerlichen
einkomens / das weys Gott) yr blut vnd schweys /
Bawern jarlydlohn / Ja yre Gottes gaben / als ze
henden / zinsze / opffer / Kirchgenge / on eynicherley
endtliche erkentnisse / der Ordentlichen Obirkeiten
widder Gott / Ehre vnd Recht / geraubt / genommen
vnd gestollen? Ey Doctor Sewtrogk / Luther.

Wer hat Gott in den .xij. nehstunorschinen jarn /
soviel / Ja manchthausent Seelen (das Gott ge
klagt sey) beraubt / genohmen vnd gestollen? Lu
cipero mit bluttigen heuoptern in abgrundt der hel
len gesandt? Ach / der Ertzseelen mörder / Doctor
Eselsohr / Mertein Luther.

Wer

Wer hat Christo seine gesponsz / die eingesegeten
Closter Jungfrawen / deren viel / manche jar /
Gotte in einem beschawlichen geistlichen leben (wie
wol velleicht nicht alle) tag vnd nacht vleissig ge-
dient / geraubt / genomen / gestollen / ja in ein gantz
samerigs / elends / yrrigs / vortümlichs leben gepra-
cht? Phu dich nu / du meineydiger / sacrilegischer /
(peto veniam) der außgelauffenen Mönchen vnd
Nonnen / der abfelliger Pfaffen / vnd aller Abtrün-
linge hurnwirt / Martin Luther.

Wer hat Römischer Ka. Ma. dem thewern vn-
schuldigen Christlichen blute / Karolo. v. Auch Kö-
nigen / Fürsten / vnd Herren / yr Ehre / glimpff / pfl-
chtige dienstbarkeit / sampt billichem gehorsam / etz-
liche yre Eydtpflichtigen (aber Gott lob nicht alle)
durch falsche / auffrührische / vordampfte schriefften
vnd lere / genomen / geraubt vnd gestollen / Ey do-
ctor schandtluther?

Wer hat soviel diebe vnd schelcke gemacht (als
itzundt schier alle winckel außgefüllet) Ja gar viel
der außgelauffenen Mönchen / das man an viel or-
ten (als ich hör) nicht wol sicher vor yn geen thar /
vnd inn hewfern wenig vor yn behalten mag werde
Ey doctor Luther? welcher damit er ja nichts bley-
ben liesse / so hat er auch die Nöthen hewfer zerstört.

Summa summarū / der stügke weren gar viel zu
erzelen / welche alle / vmb der kurtz willen / diszmal in
der fedder sollen vorbleibē. Aber ich wolt vmb was
grosses mit dir Luther wetten / ob du biszher gewust
hast / was ein Gottsdiep sey. Zum andern / wer der
erste Gottsdiep geweest ist. Ich aber hab dir itzundt
ernennet

ernennet eins theils / was Gotts diepstal ist / wil dir
auch aus der Schriefft weyther anzeigen / wer der
erst / ander / vñ dritte Gottsdiep geweest ist. Lucifer
was der erste / der vnterstundt sich aus hoffart / dem
almechtigen sein ehre / gewalt / lob vnd dienst felsch
lich zustelen Esaie. xiiij. Er entpfiñgt seinen lohn.

Aman / der ander Gottsdiep / stal Gott die höch
ste ehre / als die anbettung / denn er ließ sich in böser
meynung / als eyn Gott anbetten / er ward an einen
galgen funffzig ellen hoch gehangen. Judas sca
riothis / stal Christo vnd den Aposteln / von yrer teg
lichen vnderhaltung den zehenden pfennig / hingt
sich selbst. Luther der vierde Gottsdiep / vber
lengt in dem Gottsdiepstal / alle menschen / sein end
vnd lohn weys Gott allein. Ich wollt hienon wol
mher schreiben / ich mus aber mist laden in meinen
krautgarten / dorumb kan ichs nicht gewarten.

Ly das Gott walde / der alde. Ich hatte schier
das beste vorgessen. Sag an Luther / ist dein predig
er / Magister Coldicius (welcher Hertzog Georgen
zu Sachsen / mit seinem predigen wolt abwenden /
vnd vorkeren / do er aber minder dann nichts kondt
schaffen / stal er / wie man sagt / einen sammetē pföl)
auch ein Gottsdiep ader nicht. Dui / ich meyn ya /
Disz sein fruchte des Newen Euangelions / vñ glen
tze desselbigen. Dwee / das diephencker vnd stricke
geprechen.

Im zehenden artickel schreibstu vnd sprichst /
So hab ich nie keyn grössern Narren gesehen / vnd
solt yn billich heissen nicht allein moron morotaton
sonder septies morion zc. Antwort. Höre mich Lu
Do i ther

ther / diese wort redestu abermals widder dich selbst.
Dann dieweil du dich einen prediger rühmest / vnd
bist es auch (ein warer vorlauffer des Antichrists)
soltu billich ein solcher grober esel nicht sein. Solt ja
billich wissen das ernst vrteil Christi / als nemlich /
Wer do wirt sagen seinem bruder / thor aber narr /
der wirt schuldig sein des hellischē fewers Math. v.
Wilt ander leut seligk machen / vnd aus deinem pre
digen vnd schreiben vordampstu dich selbst.

Welcher mensch auff erden bisz anher / hat ners
rischer ding fūrgenomen vnd angefangen / dan du?
in dem / das du dich vnterstanden hast (wiewol vil
zu frue) alle Christē / sonderlich Tewtscher Nation
auff dein Sect zubringen / welchs dir eben so mög
lich / als den ihenigen / die den thurn zu Babylonia
bisz in den hymel wolten bawen / aber zuletzt mussten
sie ablassen / vñ worden. lxxij. sprachen draus. Also
wirts mit dir auch zugeen / du wilt vō deinem fürne
men nicht abstehe / es werden denn. lxxij. Secten
draus. Aber ehe deñ solchs geschehen wirt / ehe wirt
Gott vorfügen aus seinen heimlichen vrteilen / das
lxxij. tewffel dich also lebendig in abgrundt der hel
len führen /

Ich sag noch wie vor / das wörtlein / Moron
morotaton / wirt dir zu seiner zeit dein hals brechen.
Genszmal schribstu Lincen / deus confundet istum
morotaton moron / wie du es meinst vñ wen du hier
inne menchlingē beusst / ist wol abzunemen. Tu wol
an / die grossen narrn tragen grosse kolben / schlahen
kressig drein / dorumb hütte dich.

Das wörtlein / Papisten / fürstu seer viel / kan
man

man prüffen / das du vns alten bestendigen Christē
aus hasz vnd neyd also zunamest / dorumb / das wir
auff dein vordampfte Sect nicht wollen tretten / son
der in dem gehorsam Gottes vnd seiner vorordenten
Obirkeit / durch Gottes gnad vnd hülffe / bisz vns
end steiff lich vorharren.

Wir wissen (Gott lob) wol / das nur eyn glau
ben / eyn tauff / eyn Gott vñ herr ist Ephe. iij. vñ eyn
fundament ist gelegt / es kan auch niemants kein an
ders legen. i. Corin. iij. Vñ wir sein die ihenigen wel
che gebawt auff den grundt der aposteln vñ prophe
ten Ephe. ij. Dierzu haben wir gehuldt vñ geschwo
ren / hierbey wollen wir beyde / gutt vnd blut / hawt
vnd haer / leib vnd leben lassen . Vñ wenn du gleich
hirumb lestersts / schendest / zunhamest / vnd schme
hest tag vnd nacht / so lesterstu allein den edlen nha
men der in der tauff vber vns ist gelesen wordē Ja. ij

Das du aber dem Babst auffss höchste feyndt
bist / weys all welt / Ja allein dorumb / das er dich
ihensmal zu Rom / von der Kutten nicht wolt ents
pinden / vnd dir ein huer zum weip geben. Zum an
dern / das er dich nicht alsbald zu einem Bischoff
adder Cardinal machte . Zum dritten / das dich
Babst Leo der .x. vmb deiner teuflischen lere willen
vngheorsams vñ abtrünnerey / ordenlichs des rech
ten Procesz / garherttiglich bestrickt vnd eingenhos
men hat / derwegen dich (als alle vordampften) dein
Conscientz tag vnd nacht naget / vnd kanst im hertz
en vnd gemüte / rechtschaffen / nimmer frölich sein /
Ob du dich gleich außwendigk guths muths / ge
gen deiner Räthen von Bore erzeigest

Do ij Ferner

Ferner / Luther du schiltest die vnsern aus großem grimme / mörder vnd bluthunde / Szo du doch selbst der größte mörder vnd bluthund bist / welchen der erpodem biszher getragen hat. Ursach. Du bist einer aus diesen / zu welchen Christus gesagt hat / Vos implete mensurā patrū vestrorū / Math. xxviij. Solchs hastu höchste vleisses gethan / dorumb so hastu dich alles vnschuldigen blutes / welches von Abel dem gerechten / bisz auff den anfang deines schreibens vnd predigens vorgossen ist worden / teilhaftig gemacht. Denn du hast erstlich mit dem willen / nachfolgend mit der that / die maß deiner Vorfarn geheuffelt vñ erfüllet / wie gesagt. Aber alsbald du anfangest zuschreiben vñ predigen / wordest selbst ein württel vnd grundtschuppe / alles vnschuldigen blutes / welches biszher vorgossen.

*halbes Jahr
vom Luther
in
Wittenberg
nach
und
Luther*

Dorumb die außgelauffnen Mönchen vñ Nonnen / die abtrünnigen ehrlosen Pfaffen / die falschen Prediger / die Secten auffrichter / die Rotmeister der vngehorsamen vnd widersetzigen / welche vmb yre vorhandlungen / von den gewalttragern / hyn vnd wider / Rechtlich sein geköpfft / gehangen / gerad brecht / ersenfft / gespisset / geschunden / gefirteilt zc. Diese alle / werden am jüngsten tag / wee / wee / weezeter vnd mordian vber dich vor Gott vnd aller welt schreyen. Aber im ewigen hellischen feuer / Crucifige Crucifige eum. Dann durch dein falschs vñ vorfürisch schreiben / durch dein tewffliche leer vñ predigt / haben sie vorlorn / beyde / yr gut vnd blut / leib vnd seele. Vnd in sonderheit werden alle erschlagene auffrührische bawern / disz widder dich thuen. Disem nach / so bistu allein derselbiges Ertzmörder / beyder /
der

der seelen vñ der cörper / welcher nicht vnbillich vñ
allen Creaturn soll vorpfuiet / geschendt vnd ange-
fochten werden / dann du Luther bist schuldig an
yrem blut vnd todt / wie Pilatus an Christo.

Das du aber vnser Regenten / bluthund nen-
nest (welchs du dann zuvor in deinen schriefften vñ
predigten gar offft gethan hast) das leugstu sie aber
mals schendtlich vñ felschlich / aus neyd vñ münch
kuttischer schelmheit / als ein vorzweifelter meiney-
diger bluthundt / an. Ursach. Es ist nicht gnug do-
mit außgericht / das man einen in grim / neyd / zorn
vnd hasz / eyn diep / mörder / vortretter / bösewicht zc.
schillt / Sonder man mus solchs auch rechtlich vff
yn beweisen / welchs du biszher nicht gethan / vnd
mit Recht vñ warheit nimmerher vormagst zuthun
Aber ich wil mit der gnad vñ hülffe Gottes / die vn-
sern mit waren schriffte / eerlich vñ redlich entschul-
digen / vnd ein solche schmaeliche bezichtigung dir
auff deinen münchschedel legē / damit du vor Got
vñ der welt allein / in den lügen soltest bleibē stecken.

Doctor Luther / Responde / wer doch ein blut-
hundt rechtlich mag genennet werden / als nemlich
der do widder Gott Ehr vnd Recht / das schwerdt
selbs nimpt / vnd ist doch keiner ordentlichen gewalt
noch Obirkeit / vnd dennoch vnschuldig blut vor-
genusst. Auch sich auff's höchste beveilist mit worten
schrieffte vñ predigten / mit mancherley anschlegen
das volgt vngheorsam / entpörrigk vnd widersetz-
ig zumachen / ja abtrünnig vnd meineydig / vnd al-
so folgende / vorschulter sach / getödt vnd erwür-
get werden / wie den obgenanten geschehen ist.

Do iij Aber

die weltliche vñ weltliche gottliche willens

Aber nennestu die Executores / des Göttlichen willens vñ der gerechtikeit / bluthundt vnd mörder (als du auch thust) welche aus Göttlichem befelb aus ordentlicher Obirkeit vñ gewalt / darein sie Got gesetzt / die vbelheter straffen / die meineydigen abtrünnigen vngheorsamen vnd widdersetzigen Gots lesterer vñ vielfeltige vorprecher / töstigen vñ tilgen.

Moyses
3. 7. 18. 19. 20. 21. 22. 23. 24. 25.

Meinstu die jüngstgesagten bluthundt vñ mörder / So mustu sprechen / das Moyses vnd Aaron / auch ertzbluthundt sein / Dann sie erschlugen / aus Göttlichem befelhe / yrer eygner brüder freundt vnd nehsten / vmb der eynigen sünde willen der abtrünnerey (das sie vmb das güldene Kalp hettē getantz) auff einen tag .xxiiij. tausent. Die Schriefft spricht aber doselbst nicht / das sie derhalb bluthunde vnd mörder weren / Sonder Ampts vnd ordentlicher gewalt halben / Executores des Göttlichen willens / vnd seiner vnstraffbarn gerechtikeit. Denn also sprach Moyses / Ir habt hewt ewere hende geweyhet / adder geheyliget dem Herrn / ein itzlicher in seinem Sohne / vnd in seinen brüdern / auff das euch werde gegeben die gebenedeing / Exodi. xxxij.

Item / Es müsten / der heylig Phinees / Delias Daniel / Samuel / die alle Executores Göttlichs willens vnd seiner gerechtikeit in die sunder gewest / sie in yren sunden getilget / auch mörder vnd bluthunde sein. Item / der Engel Gottes / der dem Könige Zennacherib aus Syrien / vor Jerusalem / in eyner nacht / hunderttausent vñ lxxv. tausent man vmb der Gotslesterung willen todtschlug / müste auch ein bluthundt vñ mörder sein Reg. xix. Esa. xxxvij.

Item

Item / Gott selbs müste diß falhs / deiner sag
nach Luther / der erste vnd allergröste mörder vnd
bluthundt sein (welchs gütigen Christlichen oren
erschrecklich ist zu hören) Ursach. Gott hat aus sei-
nen heimlichen vrteilen / vnd vnstraff barn gerichtē
vnd gerechtikeiten / vmb der sünde willen / die gantz
welt im wasser ersenfft Gen. vi. Dergleichen / so hat
Gott Pharaonem Königt in Egipten / vmb der sun-
de der vorstocklikeit im Roten Meer mit. vi. hundert
wagen / vnd funffzigk thausent zu Ross / all ersenfft
das nicht eyner darvon kōmen were Exodi. xiiij.

Item / Gott tödtet Sechsmal hundertthausent
streitbarer mann / vnd etzliche in der wüsteney / vmb
der sünde willen der mürmelungen / das yhr nicht
mher dann zween / Josue vnd Caleph / yns globte
land kamen. Dergleichen liesz Gott das fewer aus
dem erdtreich gehen / vorprant der auffrührischen
xiiij. thausent. vnd. viij. hundert / one Choron / Da-
tan vñ Abyron / vnd die seinen / Nume. xvi.

Dem Euangelio nach zureden / so kōnde Chri-
stus mit nichte erdulden (wolt ordentlicher gewalt
vnd seinen Stathaltern hiermit leer vnd vnterricht
thun) das die Jüden aus dem materlichen tempel
ein speluncē solten machen / Sonder sprach sie mit
ernst an / legt die handt zuwergt vñ schlugt sie zwei-
mal vber hals vnd kopff hinaus / vnd karte yhn die
wechselbenck mit dem geldt vmb. wie dann die vier
Euangelisten glaubwürdig zeugen. Aber du Luther
wirft Christum hierumb auch auffrührisch / ein mör-
der vnd bluthundt nennen / als wol als die obge-
melten zc. Nurwolan

*Die obige ist
nicht richtig*

Tu wolan Luther/wann du mir die itzgenan-
ten/aus waren Göttliche schriefften/zu auffrührich-
en mörder/bluthunden/rechtlich machen kanst/
(das dann nicht gesein kan) Ey so mus man es au-
ch dulden/ das du die Papisten so schmaelich nen-
nest vnd zunamest. Aber diese wort werden alle auff
deinem eygnen kopff bleiben. Es kan sich ein itzlich
er frömer Christ/vnd vnpartheyscher mensch / mit
Gottshülff/aus den itzigen schrieffte/auch andern
diesen gleichmessig/ in seiner vornunfft vn̄ gewissen
wol vnterweisen/welche vor auffrührich mörder vn̄
bluthundt mögen geacht vnd genent werden. Dar-
gegen/welche vor Executores/das ist / volzieher/
(ampts ader ordentlicher gewalt halben) des Göt-
lichen willens/vn̄ vnstraffbarn Göttlichen gerech-
tigkeit/in straff/vber die sunder sein/von menniglich
geredt vnd gehalten sollen werden. Dann s. Petrus
spricht/das die Obirkeiten vnd Regenten/vns von
Gott sein gegeben/zustraff der bösen/vnd zuschutz
der frömen. i. Pe. ij. Vnd Paulus sagt / Der Regent
tregt das Schwerdt nicht on ursach/denn er ist ein
diener vnd stathalter Gottes / zu straff vn̄ rach dem
der böses thut Ro. xij. Aber widder die auffrührich-
en/widdersetzigen/mörder vnd bluthundt/schleust
Christus selbs/Alle die das Schwerdt selbst freue-
lich nemen/werden durchs schwerdt vorterven Lu.
xxij. Das hat Luther mit seinen gedancken/bößem
willen/falschem schreiben/vnd vorfürischem auff-
rührischen predigen gethan/vnd thuts noch/derhal-
ben er allein ist vnd bleibt/auffrührich/widdersetzig
ein mörder vnd der größte bluthundt. Vnd ehe dan
er dem schwerdt des Keisers durch bequeme mittel
entgehen gesinnet/ehe wil er sich selbs drein spissen.
Du

Du rühmest dich in deinem Schmaebüchlein/
vñ hast zorn oftmals gethan/ der grossen gna-
den vnd gedult/so du hast biszher gehabt/ daß sult
were es kein wunder/ das lengst ein solcher Lerna-
worden were/ das kein hant noch har von irgent
einem papisten were vberblieben zc. Antwort. Lu-
ther/ das lengstu abermals schentlich als ein zwoy-
darm (der gelden neun einen pickharden) Ursach/
Die gnad Gottes vnd Christliche gedult weys kein
neyd/kein haß/kein zorn/kein rachgirikheit. Schme-
het nicht/schendet nicht/lestert nicht/tregt als/
leydt als zc. Diesen allen/hastu du alzeit in deinem
schreiben vnd predigen krefftiglich das Kegenpiel er-
zeigt. Aber der gnad vñ gedult vnser Kaisers Ka-
rols vnd der seinen/wundert sich menniglich/denn
es were kein wunder/das man dir/vñ deins schme-
hens/schendens vnd lesters willen/die zung thau-
sentmal hinden zum nacken eraus gerissen hette. Ob
du gleich in einem eysern Kasten vorschlossen werest
gewest/an Ketten inn lufften geschwebet/du hettest
nicht sollen sicher sein/wue nicht sonderliche gnad
vnd gedult/bey den vnsern gewest were.

Sag an Luther/ Wann dir Kaiser Karl sein
schwerdt entpfülhe/an seiner stat/nach deinem wil-
len zugebrauchen. Woltestu auch vns alte Christen
solang dulden/ als die vnsern dich geduldet haben
vnd gelitten? Nein zwar/du würdest gar kurtz dur-
ch die sach gehen/wir müsten fürwar schnell/ alle
auff dein Secten treten/vnd mit dir zum tewffel fa-
ren. Aber müsten in einem nu/all inn schuchen ster-
ben/ dein gnad vñ grosse gedult würd gar bald aus
sein. Sölchs klart aus deinem schreiben/dorumb so
Le i ist

*Gnad Gottes
Christliche
gedult vnser
Kaisers*



ists gar viel besser / vnser Kaiser gebrauch / ampts vñ
ordentlicher gewalt halben / nach gelegenheit dei-
ner vorprechung / das Schwerdt ernstlich widder
dich / dann du in schimpff widder yn ꝛc.

Bösewicht. Disz wörtlein / O Luther / hastu
in deinem schmaebüchlein gar oft ernēnet / ein weil
singulariter / ein weil pluraliter / ein weil mit zusatz /
als ertz / vorzweifelt vnd vorretterisch . Welchs du
abermals auff die vnsern / mit rechter auslegunge /
nicht dewten kanst / vielweniger mit schriefft vñ der
warheit auff sie rechtlich bringen . Aber ich wil dir
abermals / disz wörtlein / bösewicht / mit Gotshülff
auff deinen wirbelsüchtigen münchschedel legen .

160
Bösewicht / heisst einer der do abweicht vō Gott
vnd seinen Engeln / vnd lieben heyligen / vnd gesellt
sich zum Trewffel vnd seiner mutter / weicht vom gu-
then zum bösen / von der warheit zu der lügen / von
ehren / sitten / tügenden / ya von aller redlichkeit vnd er-
barkeit / zu allen lastern / sünden vnd schanden / vom
gehorsam zu vngehorsam / vom glauben / liebe vnd
hoffnung / zu vnglauben / Secten / neyd vnd hasz /
vnd zu endtlicher vorzweiflung.

*schmiedt lateinisch
ist Capostata*
*Esse & sum
die Capostata*
Diesem nach / szo heisst bösewicht / lateinisch
Alpostata . Ein solcher bistu Luther / denn du bist vō
den itzternanten stügken allen gewichen / vnd dich
zu einer schandthurn gesellet / vnd dem Trewffel er-
geben . **Lucifer** ist der erst vnd rechte ertzbösewicht.
Cayn der ander / aber ein vorzweifelter fleischböse-
wicht / dann er erschlugt sein eygen blut vnd fleisch
felschlich / vnd vorzweifelte an Gottes gnade vnd
barm

barmhertzigkeit. Judas Scariothis / der dritt angst
vorretterisch vnd vorzweiffelte bösewicht. Vnd Do
ctor Martin Luther / ist der vierde / ya ein meinydig
er / vorretterischer vnd vorzweiffelter ertzbösewicht /
vnd bleibests allein / stets vñ ewiglich. Solchs zeug
en widder yn / seine thaten vnd werck / welche aus
seinen natürlichen eigenschafften entspringen / denn
der heylige geist leugt nicht / in den Worten / scilicet /
Apostata est vir inutilis Prover. vi. Also rüeffstu dei
nen eygnen nhamen nicht allein selbst aus / wie der
Kuckuck thut / Sonder du zwingst / das man dich
aller wellt ausschreyen mus ꝛc.

Im. xlix. Artickel bekennestn / vor aller wellt /
dein teglich gepete / Sprechende / Geheyliget werdt
dein nhamen. Die mus ich sprechen / vorflucht / vor
dampft / geschendt / müsse werden der papisten nhas
men / vñ aller die deinen nhamen lesteren. Antwort.
Höre mich du höchster Gottslesterer selbst / Wer
schendt den nhamen Gottes krefftiger / dann du ?
wie deine eygne Schriefften vñ Predigen / dich gar
vielmals vberzeugen. Ober das / So hastu nhu ein
lange zeit den nhamen / Christen / welchen wir alle
in der Tauff von Christo geerbt haben / als wol als
du / schmaelich vorandert / vnd heisst vns papisten /
So du doch der gröste papist selbst selber bist / welchs
ich auff dich gnugsam mit Schriefft wolt bringen
aber die zeit wils itzund nicht leiden.

Was sein dann die andern erschrecklichen lester
wort / welche ich dir hierinne hab auff ein eyel vor
antwort. So du ein Christlicher doctor vñ prediger
bist / als du dich vnuorschempt achtest vñ rühmest.

Le ij weistu

*Das gepete
Luthers
Bekennnis
des nhamen*

weistu dann nicht das dich die Bibel / das Euange-
lium / Paulus vñ alle Göttliche schrifften lernen vñ
gebiettē / das du deinen freundt in Gott / deinen fein-
de vmb Gottswillen lieben solt / hungert yn / du solt
yn speisen / dürst yn so solt yn trencken zc. Du solt au-
ch für yn teglich Gott bitten / vnd nicht widder yhn
betten. Vnd disz ist die gantz volkomenheit eines re-
chten Christen. Also hat Christus gethan hangen
de am Creutz. Sanct Steffan do er gesteynt wardt.
Also soltu dich billich / O Luther / in deinem teglich
en gepete gegen Gott / vor vns Papisten auch erzeig
en / dieweil du vns vor deine gröste feinde heltest.

Dein Reich
komme
Dein reich kōme. Die setzstu abermals herzuher
felscht Christo seine worth vnd leere / vnd sprichst /
Vorflucht / vordampft / zerstört / müsse werden das
Babstumb / sampt allen Reichen auff erden / die bey
nem Reiche widder seint. Die thustu abermals / of-
fentlich widder Gott. David spricht / das erdtreich
hat Gott den Söhnen der menschen zubesitzen vnd
regiren außgeteilt Psal. cxij. Vnd die ding / so von
Gott sein ordentlich eingesetzt / bleiben standthaff-
tig bisz zum jüngsten tag. Vnd wenn dein gepete solt
krafft haben / so müste es erstlich an dir bekleiben /
vnd dein reich müste allein vorflucht / zerstört vñ ge-
schendt werden / vnd du selbs. Dnan es ist auß erdē
niemants dem Reich Christi so hoch entgegen / als
du allein. Wann so es dir möglich / das du Christu
aus seines Vattern reich / do er sitzt zu der gerechtē /
alswol kondest herab stossen / als du seine bildnüs-
sen aus deinen Kirchen hast geworffen / zerhawen /
zerbrochen / vñ zuletzt vorbrant / der fromm Christus
vnsrer heylmacher vnd erlöser / hette langst herab ge-
must

mußt / vnd du hettest dich selbs an die stat gesetzt /
Neyn lieber neyn / nicht also / es reucht anderst spra-
ch Piche / Gott gehört inn hymel / vnd die Münch
vns Closter / ader mit einem bluttigen hewpt in die
helle.

Dein will geschehe. Luther / vorflucht / vor-
dampft / geschendt vnd zunichte müssen werden alle
gedancken vnd anschlege der papisten / vnd aller die
do widder deinen willen vñ rath streben. Antwort.
Dör mich Luther / Ist dein böser rachgiriger will /
der will Gottes ? Neyn Luther. Ist dein fluchen vñ
schelten / schmehen / schenden vnd lestern / der wille
Gottes ? Neyn lieber neyn. Sein deine vorpfiun-
ge widder den Kaiser / Könige / Fürsten vñ Herrn / vñ
schlechts widder alle Regenten / der wille Gottes ?
Neyn. Christus / Paulus / Cyprianns / die Christ-
liche Kirch / gebietē vns / das wir sollen teglich mit
höchstem vleys / vor vnserer Regenten vñ gewalttra-
ger bitten / domit sie Christus in liebe / eynikeit vnd
fride / sampt yren Reichen vnd Landen / standthaff-
tig / gnediglich wölle erhalten / vñ nach seinem Göt-
lichen willen handthaben / vnd also wirt eintheils
erfüllet der wille Gottes.

Aber du bettest / das alle Reich der welt / vor-
flucht / vordampft / geschendt / vnd zunichte sollen
werden / welechs dann gestrags widder den Götlich-
en willen / vnd sein Göttliche ordnung ist. So sein
sonst auch alle deine gedancken / wort vñ werck ge-
strags widder den willen Gottes / als dein gantz
büchlein anzeigt. Dorumb so bettestu teglich / allein
widder dich selbs. Die Jüden betten auch alle tag /
in yhren Synagogen / mit grossen geschrey / Gott
Le ihj wolle

Dein will geschehe

Ar

*für die oberkeit
allein wir-pitt*

Der Jung geber

wolle alle Christen tödten / alle Reich der welt zurstö
ren / allein yren glauben erneeren / yhren Tempel vnd
jüdisch Reich / zu Jerusalem wider auffrichten. Got
hat sie in .xv. hundert jarn nicht erhört. Vielminder
wirstu Luther / ditzfals / von Gott erhört werden.
Aber die heyligen Christlichen lerer / Crysostomus
Gregorius / Augustinus / Cyprianus / Origenes &c.
legen das gebethe vnsers herrn garviel anderst aus
dann du doctor filtzbut. Bistu ein doctor der heylig
en schriefft / vnd ein Christlicher prediger? du bist
der wüetenige tewffel auff deinen münch stopff.

Der wille Gottes

Aber so du Augustinū lib. de oratiōe dñica gelesen
hettest / so konstu auch wissen was der wille Gottes
ist. Denn er spricht also. Der wille Gottes / den Chri
stus selbs gethan vnd gelernet hat / ist demutikeit in
der beywonūg / bestendikeit im glauben / schamheit
inn wortten / in den thuungen gerechtikeit / in den
wergken barmhertzikeit / in sitten zucht / kein iniuri
en wissen zuthun / vnd die erzeugten leiden / mit den
Christen frid halten / Gott aus gantzem hertzen lies
ben / lieben yn das er vatter ist / fürchten das er Gott
ist. Christo nichts fürsetzen / seiner liebe anhangen /
seinem Creutz steufflich beysteen. Wenn von seinem
nahmen / eyne zwyspalt ist / So sollen wir in der rede
beweisen bestendikeit / durch welche wir werden bes
tettigt / in der frag getraubeit / durch welche wir ge
hast / im todt gedult / durch welche wir werden ge
krönt. Disz ist wöllē ein miterb sein / disz ist die gebot
vñ willen Gottes thuen vñ erfüllen. Dec August.

Es sein noch ettliche punct in deinem lasterlibel /
zu hochwichtigen. Dieweil du aber in deinem blas
phemal

phemal / teutlichen sprichst / du wilt nach dem Leipziger margkt / das büchlein meines christlichen Leyen / besser kemmen / so mus ich dir deine artickel / erstlich / nach vorteil auff Ungrisch schrappen . Dann erstlich hastu mich einfaltig reden / als einen vnpartheischen Leyen gehört . Dornach / als einen der do auch ein bekennen (wiewol der minste) der heyligen vnd Göttlichen schriefften ist . Nachfolgend vnd zu letzt / soltu mich abermals / als einen Leyen spüren / domit dein hirngrilliger vñ tobender Münchschedel / dester baser erschellet mag werden / domit du nicht eygentlich wissen solt / in jar vnd tagk (Gibt dir anderst der Tewffel vnter dess nicht deinen vordien ten lohn) whem du doch eigentlichen zu soltest .

Du sprichst / wie zu Bononia soll beschlossen sein gewesen / das der Kaiser bald im Einzug yns Tewschland die Lutherischen mit dem schwerd solte dempffen . Das ist freylich dein ader eins von den deinen / getichte / denn das wergk hats ye anders beweist .

Item so sey offenbar / das sie viel einzelen personen haben getödtet / vorbrant / ertrenckt &c . Du ehrloser meineydiger bösewicht / was geet dich an / wie die Obirkeit mit yhren vngehorsamen vnderthanen vmbgehet ? Bistu doch yn nicht zum Richter gegeben . So kanstu ye auch dorans nicht schliessen / das man euch dardurch kriegk anbiette / dieweil es eine ydere Obirkeit mit yren / vnd nicht mit frembden vnderthanen geübet . Wann sie es auch mit frembden vnderthanen hetten vben sollen / so förcht ich / das fewr würde dir vorlangst die hende vorterb haben das du kein dergleichē büchlein mher schreibē kötest
Denn

Denn dieweil du dich der ihenigen / die auffrur ge-
macht / so gewaltiglich annimbst / vnd den Fürsten
gleich maß setzen wilt / wie sie yre vnderthanen straf-
fen sollen / so bistu ye nicht allein ein anleiter / sonder
auch ein vorthedinger der auffrur / vñ dorumb het-
testu vorlangst das feuer zu hundertmalen vordint.

Item / der Churfürst von Brandenburg / vnd
Hertzog Georg zu Sachsen sollen (wie du gehort)
dem Kaiser widder die Lutherischen fünffthausent
pferd zugesagt haben. Das ist so ein vnuorschempte
schentliche lügen / das man sie auch greiffen möcht
denn es an sie mit keinem wort gesonne worden ist.
So haben sie es auch nie in syn genomen. Dorumb
wann du ein ander mal etwas dergleichen vñ solch
en Fürsten schreibest / so sihe das es war sey vñ einen
grund habe / denn disz ist von dir adder den deinen /
vorretterlich vnd bößlich erticht. Item / es sollen
die Pfaffen vnseglich gelt darzu vorbeischē haben
Ap es war sey / weys ich nicht / ader dafür magstu
es künlich achten / Wann dem Kaiser ader den an-
dern Fürsten etwas hierumb were / so würde es an
gelde noch an leuthen nicht mangeln.

Wber solte der Churfürst von Brandenburg im
Abschiedt gesagt haben / der Kaiser vnd das Reich
wolten leib / blut / vnd gutt / land vnd leute dran setz-
en / Das hastu in deiner warnung selbst vor vnwar
angegeben / vñ daneben gemelt / wie es ettliche Für-
sten außgelegt / ettliche gar widerfochten vñ nicht
gewilligt hetten. Noch dennoch zeyhestus hie vor
das fürnemlichst vnd gewaltigist Argument an / do
durch euch kriegē entpotten sey. Weystu nicht / das
ein

ein lügnen mus ein gutt gedechtnis haben / vñ was er
einmal hatt vor vnwarheit angegeben / dasselbige dor
nach nicht wider vor ein warheit außgeben. Ich setze
aber das es war sey / Szo hat es dennoch keinen an
dern vorstandt. Denn wann die Lutherischen vñ yrem
vngheorsam / von yrem pochen / von yren practicken /
damit sie sich dem Kaiser vnd anderer Obirkeit yre vñ
derthanen widersetzlig zumachen vnd in yre bündnisse
zuziehen vntersteen / nicht auffhören / Sonder ettwas
tetlichs anfahen würden / das sie sich alsdann yr auff
enthalten vnd Land vnd leute zusammen setzen wolden.

Du erzelest hernachmals ettliche andere stücke /
welche nicht würdig seint / das man sie vorantworte /
denn du suchst deinen behelff vñ beschönung sogenaw
das du schir auch das / das alte weiber vnd hurn / mit
einander geredt haben / erfür zeihest vnd im druck leste
auszgeben.

Folgendes / rümestu mit hohen worten / wie du
vnd die deinen auff dem Reichstag so trefflich sich ge
demutiget vñ fride gebeten haben. Tu weystu meiny
diger böswicht vñ die deinen / wie hoch man sich auch
auff dem andern teile bemühet vnd geveissiget / mit eu
ch fride zumachen / vnd sich in den gebrechen allent
halben zuuorgleichen / vnd das es endtlich an nichts
anders denn an den dreyen Artickeln am meisten gefey
let. Erstlich / das yr euch gewägert habt zuwilligen /
das die pfaffen / so algereit weiber genomen / biß zu er
kentnis des Concilij dabey zulassen / welche aber hin
fürder weiber nhemen würden / das dieselbigen yrer les
hen solten vorlüstig sein. Zum andern / das yr nicht
hat wollen annehmen / das auch beyde gestalt des Sa
craments frey solten stehen / aber yr gleichwol daneben
die eyne nicht vordammen soltet / wie dan euch die pa

S f i pisten

*in Buch. Das
den fud. und
Dyit. gesind*

pisten die beyde auch vnuordampt solten lassen bisz vff
das erkentnis des künfftigen Concilij. Zum dritten/
das es euch vngelegen gewesen / die geistlichen güther
wider aus den henden zugeben. Wiewol yr der ersten
zweyer Artickel halben villeicht noch mit euch hettet
reden lassen / aber do dieser letzter ernachkam / do kond
yhrs keines weges in ewern gewissen vorantworten /
das yr den paffen die Ehe vorbietten / vnd die eyne ge
stalt vngescholten solt lassen. Was aber die güther be
langte / die woldet yr angelegt haben nach ewerm gut
beduncken. Als man euch disz nicht wolt einreumen /
do mustet yr euch vō der gantzen Christlichen samlüg
scheiden / do musten alle andere Artickel vnnorgleich
bleiben / In summa do must allzeit / kosten vnd arbeit vor
gebens sein. Ap sich nu das heisst gedemutiget vnd fri
de gebeten / das laß ich einen yedern vorstendigen be
dencken. Es haben ye viel leute nicht vor eyne demut
noch fridsachung / sonder vor einen mutwillen angefe
hen / somit man die sache dohin hat bringen wollen /
das sich der Kaiser vnd das gantze Reich nach euch
richten müeste. Weil euch das gefeylet / so ist diese ab
sonderung gefolget / die man itzundt vor augen sibet.
Gehe nu hin du meineydiger vnuorschempter bösew
icht / vnd sage / wie man sich gedemutiget vnd vmb fri
de gebeten habe.

Nu bistu aber ye der meineydgiste bösewicht / den
man finden mag / das du das volgt so jemerlich vorfü
rest / vnd anweifest das es vmb sachen / die das gewis
sen nichts beleidigen / sich von der gemeinen Christ
lichen samlungen gescheiden vnd abgesondert haben.
Denn warumb anders sunst haben sie sich gescheiden
denn eben darumb / das man yhn die Cerimonien vnd
ewsser

eufferliche satzungen anderst / dann nach deiner lehre /
zuhalten gepotten hat ?

Nu weistu yhe wol / das die Cerimonien darumb
ausgesetzt seind / das man guthe ordnung erhalte / vñ
dardurch des gedechtnis des leydens Christi erinnert
vnd yhm deszhalben dangt vnd lob zusagen gereitzet
werde / Auch eyn Christ den andern doran erkenne .
Noch dennoch hastu bösewicht sie vorworffen / vnd
das volgt dahin geleytet / das es sich dorumb von der
gemeinen samlung abgeteilt hat / doraus dann solch
yrthumb vnd zweyspaltikeit erwachsen / die in hundert
jaren kaum allenthalben mag hingeleget vnd außgetil
get werden.

Weil du dich aber einen Euangelisten vnd vor
kündiger des Euangelij nennest / So hette dir vilmehr
gebürt / was vor Miszbrenche dorinn weren gewesen /
senfftiglich zustraffen / vnd das volgt göttlich zu vn
berweisen / wie sie one beleidigung der gewissen die Ce
rimonien recht vnd göttlich halten möchten / denn
das du sie also vberredet / man künde sie mit guthen ge
wissen nicht halten / vnd dardurch die guthen leuthe
so bößlich in die zertrennung gefurt hast.

Vnd ap die Miszbrenche der diener der Cerimonie
en noch grösser gewesen / so soltestu dennoch dorumb
ein solche zwispeltikeit nicht angericht haben / dieweyl
du aus der Schriefft weyst / das die selikeit in fride vnd
eynmütikeit gelegen wil sein . Denn wo fride vnd eyn
mütikeit ist / da ist ein rechter glawbe der do wirckt die
wergt der liebe / one den niemant mag selig werdē / wo
aber fride vñ eynikeit nit ist / da wirstu mir auch keinen
rechtē glawbē weisen / wiemā den auch bey dir nit spürt

ff ij Dorumb

*Cerimonien
ausgesetzt*

*wo frid vnd
eynmütikeit ist
es ist ey. recht
glawbē*

Dorumb hastu solcher deiner zertrennung nicht gnug
sam ursach gehabt. Denn Christus spricht / Gehe hin
dir geschee nach deinem glauben. Weil man denn wi
der dich noch niemants im glauben geirret adder ge
zwungen hat / vñ auch noch nicht zwinget / so hettestu
die lenthewol können dabey lassen bleiben / das sie die
Cerimonien vnd andere eusserliche ordnung gehalten
vnd sich darüber nicht von der Christlichen samlung
gesondert hetten. Du hast dir aber die miszbreuche der
diener der Cerimonien vor ein ursach genomen / domit
du ettwas hettest / das du schelden / lestern / vorfluchen
vñ dir also bey dem gmeynen mann einen namen mach
en kontest / denn das ist deins herrn des Tewffels lust
vnd begirde / vñ dorüb hastu auch disz spil angefangē.

Nu ist's war / es seint viel miszbreuche vnder yn / war
umb greiffestu aber allein dieselbigen an / vñ vbergeest
schweigende der Lutherischen gebrechen vñ miszbreu
che / die do wol so gros / vñ zum teil grösser seind / deñ
der andern ? Denn das ich nur die gemeinesten ein we
nig berüre / warumb straffestu nicht auch die vbermes
sige seufferey / die bey niemant mher getriben wirt / deñ
bey den Lutherischen ? Warumb schreyestu nicht vber
die offentliche hurerey vñ Ehebruch / der bey yn mher
dann sunst yrgent gefundē wirt ? Warumb schweigstu
stille zu der vnbillichen placckerey domit dein volck vn
gehet ? Denn es ist offentlicher / deñ das es mag vor
neint werden / das alle strassenreuber vñ streuchreuber
bey den deinen gehant / geherbergt / gefördert vñ auff
gehalten werden. So seint sie / die Rauber / auch fast al
le selbst lutherisch wie das am tag ist. Mein / hie beisstu
den fuchs nicht / denn du hast sie solchs alles gelernet
vñ vnderweist / Disz ist die freyheit / die du yn gegeben
vnd außgeteilt hast / Das sein auch die edlen fruchte
deiner lehre. Wiewol

*Die lutherischen
miszbreuche*



Wiewol nu dem allem also / dennoch kanstu mit
den deinen noch nicht schliessen / ap yr dabey endtlich
bleiben / ader noch ein andere Newerung wollet anfa-
hen / doraus dann erfolget / das die armen leute so yrr
seind worden / das sie schier gar nichts wissen / was sie
glauben sollen / vnd fast auff einem itzlichem dorffe ein
newe vnd sonderliche Sect entstanden ist . Dieweil
den aus dem vñ anderem gnugsam zuspüren / das kein
grundt / kein bestandt / kein besserung / ya vielmher er-
gernis ewers lebens bey euch ist / wer meinstu den / der
sich an euch hengen / vnd von der Christlichen sam-
lung zu euch fallen solle ?

Nachdem du auch die tage zu Breslaw / Dessaw /
vnd Leiptzig gehalten anstichest / vñ argwönlich das
non redest / sam hette man sich dorauß wider euch vor
bunden / desgleichen auch des ertichten Bündtnis ge-
denckest . So sag ich / das du die guthen Fürsten dorin
anlengest / als ein wissender trewloser vnd meineydiger
bösewicht . Denn das sie sich mit einander vortaget /
das haben sie vmb frides willen yren landen zu gutt vñ
niemants zu nachteil gethan / wie dan das wergt auß
weist . Denn hetten sie dir trewlosen bösewicht zusehē
sollen / vnd raum geben / solang als dir es eben were ge-
west / so hettestu gereyt vorlangst nicht allein yre lande
Sonder die gantze Christenheit vorterbet / vnd als ein
seelmörder in abgrundt der hellen gefürt / wie den dein
geist der Tewffel noch gerne thun wolde .

Wiewol du nu durch das gantz buch aus geleug-
net / das du in deiner warnung nicht zu auffrur gereitzt
So bekenstu doch auff die letzte / das du dardurch die
papisten vnd yederman habst abschrecken wollen / das
sie dem Kaiserlichē Edict nicht folge theten . Du mein-
Ff iij eydiger

eydiger böfewicht / was ist vor ein vnderschiedt vnder
anreitzen zu auffrur / adder abschrecken das man dem
kaiserlichen gebott nicht solle gehorsam sein? Ich wil
mich aber nicht mit dir keyfen / denn ich weis kein ehre
an dir zueriagen. So wil ich auch die deinen noch zur
zeit hierinn vorschonen / sonst hette ich vrsache genugt
mich mit dir zuschelten. Ap du mich auch wider schil-
test / das acht ich dohin / als schulde mich ein alte hu-
re. Vnd deine donnerschlege erschrecken mich nicht /
das ich dir dorumb die warheit nicht dörrffe sagen / die
ich dir denn in meinem vorigen bychlein so wol gesagt
als sie dir freylich ye gesagt ist worden / dorumb ist dir
auch dein hertz zuborsten / vnd woltest sie mit schelten
vnd fluchen gerne vorlegen / wann sichs yrgent schick-
en wolte. Es ist aber noch nichts / wirstu wider bel-
len / so wil ich machen / das du als ein hellenhundt /
fewer salst ausspruen vñ dich endtlich selbs vorbrünen.

Ehr dann ich aber auff diszmal beschliesse / kan ich
nicht lassen / ich mus dir noch eyns vor die nasen hal-
ten. Du hast alwege geschriben / wie das Closterleben
also arg vnd vordamlich sey / das niemant dorinn kön-
ne selig werden / daneben auch fürgegebē / wie die Clo-
stergüter betriglicher vnd bözlicher weyse werden zu
wegebracht / vnd dorumb viel frömer Mans vñ weibs
personen dohin geredt / das sie die Clöster vorlassen /
vnd darnach in ein yrre / sundtlich / vnd vordamlich le-
ben können sein. Tu lestu vnd die deinen sie dorinn / vñ
dazu in grosser not vñ schanden umblauffen. Vr aber
habt die güther / renthen vnd gilt zu euch genomen / ge-
braucht dieselbigen ewers gefallens / vñ ist wolgewon-
nen vnd vnnordamlich gutt bey euch / das bey yn vor
böse vnd vordamlich sein muste. Ist das Christlich vñ
der Euangelischen lere gemäs / so weys ich nicht was
Christlich

Christlich ist. Man faßt ye ein beständige vormuttung
doraus / das man die armen leute dorumb am meisten
mit solchen listigen worten aus den Clöstern zulauffen
angereitzt habe / domit man desterbas zu den güthern
kömen möchte. Vnd ap du es gerne leucknen woltest / so
ist da die öffentliche warheit / die dichs nicht leucknen
lest. Dorumb schliesse ich aus dem vñ andern oberzels-
ten stücken / das du nicht allein deine warnung / sonder
das mherertheil deiner Bücher im grundt vmb nichts
anders willen geschrieben habest / denn das du dadur-
ch zwispaltigkeit / vngheorsam / auffrur erregest / vnd da-
neben dein vnd der deinen eygen nutz schaffest. Vnd be-
ruff mich des auff die ihenigen / die mit vnparteyisch-
em gemüete deine Bücher gelesen haben.

C Beschluß an den Christlichen
Leser.

Christlicher Leser / Soviel wil ich diszmals / Mar-
tin Luther / auff sein Schmaebüchlein geantwort ha-
ben / vñ wiewol ich solchs nicht hab kondt thun (vmb
kürtze willen der zeit) als ich wol zuthun schuldig were
gewest / Denn ich hab meiner Köchin müssen helffen
flachs getten vnd kraut stecken / wil ich doch das vor-
gessene vnd außgelassene mit der zeit (wils Gott) sovil
mir möglich / einbringen. Vnd es were dir Luther gar
höchlich vñ nöthen / das dich der Schnoppe vorliesse
domit du den Bachanten hinförder wol gerichen kon-
dest. Auch so schlage den Sack messigt / domit er sich
nicht auffbinde / vnd alles was drinn ist / erans falle.

C Gedruckt zu Dresden durch Wolffgang
Stöckel von München. 1 5 3 1.

Faint, illegible text in a Gothic script, possibly a list or index. The text is mirrored across the page, suggesting bleed-through from the reverse side.

Faint, illegible text, likely a section header or title, centered on the page.

Faint, illegible text in a Gothic script, continuing the list or index. The text is mirrored across the page.

Faint, illegible text at the bottom of the page, possibly a footer or a reference.



solitarius agere quo animi torporem (qui in heremo
comorantibus infestior hostis est atq; frequens) tem-
perare, affuit illico Lutherus, mentemq; pulsans, ad lu-
dendum me excitavit, seq; proprijs pennis depingerē
exoptavit, feci impigre, Lusi, Rithmos nōnullos ver-
naculo congeffi, hominis Imaginem prefeferentes. Et
ne vacuus apud tuam dominationem apparem, eosdē
Rithmos pio ausu mittere decreui, confidens eos eidē
prestātie tue, licet occupatissime, Christiane tū Reip:
quietis cupidissime nihil tedij alatuos Quapropter, si
quādo ocium dabitur, poteris hīs videre, qualis Luta-
herus apud me, & quemlibet Christicolam iure, tenen-
dus sit, porro si quid minus prudēter in mediū duxi
dabitur venia, quoniam zelus domus dei co-
medit me cum hīs quam Optime vales
at tua dulcissima celsitudo, & Pau-
lum tuum Indefessum
Oratorē accipiat
Date

747 L 1027

ULB Halle


3

002 047 268



5b.





~~12~~ 12

Auff das Schmaebuchlein/welchs
Martin Luther widder den Meuch
ler zu Drefzden/in kurtzuor/
schiner zeit/hat lassen
aufzgehen.

Franciscus Arnoldi Pfarher
zu Cöllen.

ss. D. xxxi.

